



Arongorongol Toulap (AAAF/AAAS) Affatal Alléwal Autol Falúw/ Affatal Alléwal Autol Sáát

Reel

SIWILIL LELIYER MILITAD NGELI GUAM ME CNMI

***Atowowul Marines me Okinawa
Tootool Seyil Gheera kka Aircraft Carrier Rebwe
Ffetegheló me Sulalul Army me Tchol Sulalu kka
Reghal Pilei Fiyowul Nuclear Missile***



EEW AWEEWEL MEETA EBWE LO LLÓL ATOL MÓGHUTTUGHUT YEEL

Eluuw aar Militaad mwóghuttughut reel rebwe arongóor towlapper schóól Guam me bwal falúw kka afengil Guam ye reghal ira bwe (CNMI) Commonwealth of the Northern Mariana Islands. Ikkaal mwóghuttughuttul militad:

- Akkaschai tchol solulul United States (U.S.) Marine Corps ikka rebwele ghommwal atowowowur me Okinawa rágh ye 2010 nge raa lo Guam.
- Bwal llól ráágh yeel schagh mille rebwe bweliutá aar fééri eew fféél pantalan ye Apra Harbor me Guam bwe ebwe maas llóllóóló bwe ebwe mmwel aar seyilgheera kkaal rebwe ghal soreer mereel tugboat ebwe mereilong pantalan bwe ebwe fétegheló me ebwe mmwel ebwe sorrowow lughul bwe rebwe toowow me mwettesengi pantalan.
- Schóól U.S. Army Air and Missile Defense Task Force (AMDTF) rebwe iseliir Guam.

Llól allégh ye re ghal bwe National Environmental Policy Act 1969 (NEPA) me bwal akkew alléghil federad nge ekke akkuleer alangal bwulasyiol gobietno bwe rebwe ayoora (EIS) Environmental Impact Statement ye e ghal affata meeta alléwal autol falúw igha ebwe yoor mwóghuttughuttul militad mereel Sepan mwetteto Guam me CNMI. Me bwal eew, Executive Order (EO) 12114 nge ekke aweewei meeta alléwwal autol falúw me ngere rebwe bwel le abwungúúr repiyal meeta ebwe toowow ngere militad aa toowow me Okinawa nge raa toolong llól reghal ira bwe (OEIS) Overseas Environmental Impact Statement ebwe anngawaló bwulei ye reghal ira bwe seeigh me ruwoow (12) mizas sengi falúw mwette ngeli saát.

Bwulasyiol Navy mille ekke apaú angaang ye Draft EIS/OEIS ye re ngalowow reer towlap wóól Nobienbre 2009. Schelal Bwulasyiol Navy re ghal ira bwe Joint Guam Program Office (JGPO) ye e lo bwe rebwe fééri angaang ye EIS/OEIS. Bweigha aa mááló Executive Order 12114 esaa bwalilo rebwe fééri OEIS nge ebwele amwutchaló schagh bwe EIS Ngere aa takkaló aar aramas atotolong meeta re mengi rebwe fééri wóól falúw we rebwe fééri mellól. Arepiyal yááyál falúw ye reghal ira bwe Draft EIS/OEIS nge re ayoora bwe ebwe ngalleer schóókka rebwe fééri angaang ye Bwulasyiol Navy ebwe fééri meeta rebwe fééri bwe bwulei ebwe ghatch nge esóóbw ghi ffeyir me e amalawa sefáli bwulei we nge aa ghi maas ghatcheló.

Igha ebwe lo arepiyal falúw igha rebwe yááyá, ngere Draft EIS/OES, nge ebwe lo Guam me Tchúliyól (Tinian) ye e lo llól téél Marianas. Falúw kkaal nge e lo reel Bwulasyiol Defense (DoD) bwe ebwe abwungúúr sulalu bwe rebwe ghulei meeta yaar angaang sulalu bwe rebwele ghatch llól mwóówul ngere meeta ye rebwe piley bwe rete ngaaw aramasal falúw me peiraghil falúw.

MEETA BWULUL REBWE AYOORA MWÓGHUTTUGHUTTUL MILLE REBWE FÉÉRI

Bwulul meeta re ayoora milleel bwe ebwe mmwel Amerikka ebwe atabwei meeta aar ppol me nasion kka wóól falúw me meeta allégh kka raa ayoora bwe Amerikka ngere ebwe yeel schagh lapal sulalu llól eew me eew nasion rebwe iseli iya ye e lo lughul Amerikka, ammwelil towlap ye reghal ira bwe *national security*, ebwe piley nasion ye ebwe toolong feirei falúwal Amerikka, me ayúwló mille ebwe ammasaghúgh bwe ubwe fééri meeta ye usu mwuschel ubwe fééri llól falúw kka llól pasifikko (i.e., Western Pacific Region). Bwulul mille rebwe ayora mwóghuttughut yeel nge e lo llól alléghúl Amerikka, ppol kka nasionnul falúw re bwungiw fengelli bwe rebwe atabwei, allégh kka nasionnil falúw re fit-mai bwe:

- Sulalul Amerika rebwe lo llól bwulei ye ebwe afeli falúwwal Amerikka e weewe schagh me *territories* kka llól Pasifiko.
- Rebwe amwuschitiw bwulei ye e mwettemwet rebwe torofi meeta ebwe tooto llól faluwal Amerikka.
- Rebwe amwuschitiw ghatchúl mwóghuttughut falúw, schigar me ammweliir aramasal falúw.

- Rebwe ammetafa ghatchiw meeta ye e bwung me ghatch reel palawalil schóól assoong me ngawal mwóghuttughuttul assongal akkew nasion.
- Rebwe ayooora mamawal militadul Amerikka mellól Pasifikko.
- Rebwe ayooora maas plen wóól seyúl gheera llól falúw kka téél Pasifikko.
- Rebwe allesi malawal aramasal U.S., Sepan, me akkáw falúw kka re chungeli Amerikka.
- Ebwe ayooora mamawal Amerikka bwe ebwe mmwel ebwe alisiir nasionul falúw bwe ebwe yoor aar apilighúlúgh me aar allillis fengel.
- Ebwe amwuschú mamawal peiraghil mwóówul wóól falúw me lemlemmil aramasal.

MEETA REGHAL MENGI REBWE FÉÉRI

Yeel autol meeta ye rebwe fééri:

1. *Marine Corps.* (a) Rebwe fééri iimw, aal me alangal peiraghil sóóbw bwe ebwe scheliir Sulalu (Marine) me layiir, familiyar 8,600 sulalu nge 9,000 schóól imwer re atowowur me Okinawa, Sepan nge raa umwuurt Guam. (b) Rebwe fééri peirál akkabwung reer sulalu me meeta peirál kka rebwe ayooora bwe ebwe alisi akkabwungul militad me Guam.
2. *Navy.* Feritá pantalan ye e lóllóól me peiraghil (ARMY AMDTF) Army Air and Missile Defense Task Force. Feritá pantalan ye e lóllóól me alongal peiraghil me Apra Harbor, Guam nge ebwele ghi ghatch ngeli waa kka eke tooto pantalan.
3. *Army.* Ayooratá peiraghil pantalan me Guam bwe ebwe scheeliir sulalu kka 600 me 900 layir me familiyar rebwe tooto Guam nge raa ayooora mille AMDTF.

Mwóghuttughut ye re bwe fééri nge e toolong peiraghil Marine Corps, Navy, Army me Air Force wóól Guam. Rebwe aa yúw iimw me aghatchiwló meeta kka ighila rebwe aghatchiwló me maas ebwele ssogholó waa kka ebwe toolong Guam me bwal fféiril plen kka e toolong Guam. Maas ebwele tomwogholó meeta rebwe fééri me Guam reel lapel waa kka eke toolong Guam, plen me sulalu kka rebwe lo Guam.

Ebwele tomwogholó *aviation maintenance*, iimw kka rebwe ayúúw, maas aramas kka rebwe atabwaghoor, akkabwungul aviation, waar amphibious me bwala me ppekk. Reel sibwe aweewei meeta ebwe toowow reel mille rebwe atowowu militad me Okinawa, Sepan nge ebwe millikka faal:

- Ebwe yoor maas aramasal falúw reel school angaang
- Rebwele ssogh militad kka e weewe schagh sulalu me familiyar
- Maas ssogholó waa, plen, me school tóoto pantalan me Guam
- Emmwel ebwele bwal ssogholó peiraghil sulalu meeta ebwe scheeli militad reel aramas me meeta ramenta kka rebwe yááyá (sibwe ira, plen, waa, me waar malal schaal)
- Maas ebwele bwal ssogholó akkabwungul militad
- Ebwele ssogh iimw ffe kka rebwe ayúúw
- Rebwele bwal fééri iimw me peiraghil sóóbw ikka rebwe aghatchiwló
- Rebwele bwal aghatchiwló aal me meeta kka rebwe aghatchiwló
- Rebwele bwal amwurilong mille ebwe atkilai falúw

Table 1. Estimated (Maximal) Off-Island Population Increase on Guam Direct and Indirect

DIRECT DOD POPULATION	2010	2011	2012	2013	2014	2015	2016	2017	2018	2019	2020
Active duty Marines	510	1,570	1,570	1,570	10,552	10,552	10,552	10,552	10,552	10,552	10,552
Marine dependents	537	1,231	1,231	1,231	9,000	9,000	9,000	9,000	9,000	9,000	9,000
Active duty Army	0	50	50	50	50	630	630	630	630	630	630
Army dependents	0	0	0	0	0	950	950	950	950	950	950
Civilian military workers	102	244	244	244	1,710	1,836	1,836	1,836	1,836	1,836	1,836
Civilian military workers dependents	97	232	232	232	1,634	1,745	1,745	1,745	1,745	1,745	1,745
Off-island construction workers	3,238	8,202	14,217	17,834	18,374	12,140	3,785	0	0	0	0
Off-island construction workers dependents	1,162	2,583	3,800	3,964	4,721	2,832	1,040	0	0	0	0
DIRECT POPULATION TOTALS	5,646	14,112	21,344	25,125	46,052	39,685	29,545	24,713	24,713	24,713	24,713

INDIRECT AND INDUCED POPULATION	2010	2011	2012	2013	2014	2015	2016	2017	2018	2019	2020
Off-island construction workers of indirect and induced jobs*	2,766	7,038	11,773	14,077	16,988	12,940	6,346	4,346	4,346	4,482	4,482
Dependents of off-island construction workers of indirect and induced jobs	2,627	6,685	11,184	13,373	16,138	12,293	6,028	4,372	4,372	4,413	4,413
INDIRECT AND INDUCED TOTALS	5,393	13,723	22,957	27,450	33,126	25,233	12,374	8,718	8,718	8,895	8,895

DIRECT AND INDIRECT POPULATION TOTALS	2010	2011	2012	2013	2014	2015	2016	2017	2018	2019	2020
DIRECT AND INDIRECT POPULATION TOTALS	11,038	27,835	44,301	52,575	79,178	64,918	41,919	33,431	33,431	33,608	33,608

* Population does not include Guam residents who obtain employment as a result of the proposed actions.
2014 is estimated to be the peak year for population 2017 and beyond is estimated to be the operational population

Arongorong Towlap me Guam me CNMI reel igha rebwe atowowur militad me Sepan

Re páangilong alonger familiar sulalu ye rebwe angaang faal DoD me schóol lughul ikka re tooto bwe rebwe angaang me meeta féeri. Re bwal sóbweiló bwe familiar Marine ikka re lo lughul ebwe ghi téetá ssowur ngere raa tooto llól 2014. Raa takkal kadjulai bwe ebwe 79,178 aramas wool falúw ye Guam.

Raa bwal takkal mengi bwe ngere aa yoor iimw me alonger militad raa towow me Okinawa llól ráágh ye 2014, iwe schókka re angaang llól construction rebwele kke towow eghus me eghus. Raa mengi bwe akkayúl iimw me meeta ebwe bweletá llól 2010 nge 2014 ráágh iye aramasal Guam rebwele ghi ssogholó igha aa yoor leliyer me Guam. Raa takkal mengi bwe llól ráágh yeel 2014 nge aramasal Guam ebwele 79,178. Ngere aa takkaló ráágh ye 2014, akkayúl meeta ebwele akkáv schagh nge gastor militad ebwele téetiw aramasal falúw ebwele 33,608 ngere 58% e lo faal ighiwe aa ghi llangetá.

MENGEMENGIL SIWEL NGERE PPOL KKA EMMWEL UBWE YÁÁYÁ

Reel rebwe atakkaló meeta ye re mengi rebwe féeri nge DoD e amwuri sowul mengemeng kka emmwel rebwe tabwei. Mengemeng kka emmwel rebwe tabwei nge e toowow mereel allégh ye NEPA ye e ngaleer aal ye rebwe tabwei.

Mengemeng kka re mengi nge raa bwungiw fengelli

Navy e atowowu meeta kka rebwe atabwei sengi allégh ye NEPA. Igha raa ametafa ghatchiw alongal mengemengil akkayúl meeta, Navy aa asiwló akkáv mengemeng kkaal reel lapal falúw ye rebwe yááyá, atoll ebwe ghoola bwe ebwe takk, igha ebwe lo iye me allewal igha eyoor peiraghil kko wóol bwulei. Llól aruwowwal Chapter nge e bwááló mengemeng kka re mengi rebwe tabwei nge raa asiwló bwe ese ghatch.

Mengemeng ngere ppol kka re afeli rebwe tabwei

Eew me eew mengemengil akkayúl kkaal re mengi rebwe atabwei nge raa ghi amatafa ghatchiw, e bwal toolong mengemeng kka ese ghatch me meeta ebwe toowow ngere re atabwei.

Sulalu kka Marine Corps Nge Rebwele Atowowur me Sepan nge raa ló lo Guam (Volume 2) (Figure 1)

Marine Corps kka rebwe toowow me Sepan nge re ghommwal ayútá leliyer me alongal peiraghil sóbw (Sibwe ira: bwulasiyol Marine, imwer schólimwer me layúr me bwal imwer schóol angaang).



Figure 1: Autol meeta rebwe ayooora me Guam

Mille rebwe ayorátá nge e toowow llól faawu:

1. Igha ebwe lo Bwulasiyol, iimwer familiya, imwer sulalu esáál yoor schólimwer, leliyal school ammwel, leliyal sokol meeta, me leliyal towlap ngere akkabwung meeta, leliyal ukkuur, me iimw kka e susuló nge emmwel rebwe fééri bwe leliyal dokkto, me ngere espitad, leliyal pighatil yáát me bwal rebwe ghal schu llól.
2. Mwóghuttughuttul akkabwung: Eleew eskeleral:
 - Leliyal ppek me akkabwungul yááyáál autol ppke me akkabwungul, akkbwungul *safety* ye reghal ira bwe (Surface Danger Zone ngere SDZs) me bwal yááyá (*airspace*) reel akkew atmas me ebwe faisul yááyáál ye re ghal aita bwe (SUA) special use airspace.
 - Akkabwung ye ewei llól lewalawal nge Esóór ppek bwe re yáábwe re yááyá ghareeta me e fárágh wóól falúw.
 - Akkabwungul rebwe yááyá plen téétá me téétiw me e faisul aar bwobwogh karagha wóól plen me isis-sitiw karagha wóól falúw me umwumw aramas.
3. Mwóghuttughuttul Plasa: Sibwe ira bwe ebwe faisul mwoghuttughuttul plasa reel igha plen ebwe sóótiw me ellettá me ebwe faisul aramasal plen reel rebwe téétá wóól me téétiw wóól falúw.
4. Meeta Mwóghuttughuttul Pantalan: Rebwe aghatchúl bwe emmwel ebwe ssogh waa kka ebwe toolong pantalan ye e schu me ssoghotáár schóól angaang. Eew bwal mengemeng ye re kke aweewei ighila nge ese bwal schulong llól meeta raa takkal fééri.

Mengemeng kka re mengi rebwe fééri ngere e ghatch mengemeng we re fferitá. Llól waluw mengemeng ye re mengi rebwe atabwei nge aruwowwal mengemeng mille re afeli bwe rebwe fééri. Maas aweewe nge emmwel ubwe schungi mellól Volume 2 mereel aweeweel EIS/OEIS. Igha Aruwowwal Mengemeng yeel e lo iya nge e bwáá bwe e lo afeng reel Andersen Air Force Base (AFB) Northwest Field (NWF) me Route 3 nge ye e lo pighiwow nge kantiitiw (e lo llól faluwal Depatamentol Defence - DoD) me setil Filipino ye e lo pighilongil sóóbwe ye akkaschai aramas re lollo llól, nge saabw faluwal, iwe me pighitiw reel saabw ye Saabw faluwal DoD Harmon nge bwal akkaschai schagh aramasal re lollo llól. Aruwowwal Mengemeng nge ebwe re bwal kke tongóór maas falúw me bwulei kka e lo Naval Computer me Telecommunications Station (NCTS) Finegayan, pighitiwal Finegayan, me bwal ebwe láálááy aar akkilai bwueli ye e lo Federal Aviation Administration (FAA), ye ebwe 2,580 tambo tomoghol falúw yeel ye DoD, Fish me Wildlife me Gobi-etnool Guam bwe leliyal paluma, maal me walawal wóól falúw, leliyal maal kka ebwele roscholó nge rebwe afelliir bwe aa lo llól allégh we endangered species. Aruwowwal Mengemeng nge ebwe bwal tingóór 1,106 tambo mereel bwe ebwe fééiriló bwe yááyáál militad ye ebwe 53% mereel faisul lapal bwulei 2,580 tambo. Aruwowwal Mengemeng nge ira bwe bwulei ebwe lo bwulasiyo, me peiraghil mwóghuttughuttul militad nge ebwe bwal imwer familiyal sulalu.

Bwal eew Mengemeng reel Plasa ngere bwulei ye emmwel rebwe yááyá militad. E toowow nge raa afelli faawu bwulei: Faawu bwulei ye re afelli bwe emmwel rebwe bwal yááyá reel aar militad akkabwung, aar mwóghuttughuttu me rebwe afelliir towlap llól plasa nge ikkaal: 1) North Ramp Andersen AFB, 2) Won Pat International Airport, 3) Orote Airfield at Naval Base Guam, me 4) NWF at Andersen AFB.

Re bwal ayoorá mille rebwe ametafa ghatchiw meeta ebwe towowul mwóghuttughuttu ye re fééri llól ráágh kka eke mwemmwetto me meeta ebwe toowow reel alongal falúw kka militad ebwe yááyá me meeta ebwe toowow reel bwulei kkaal me kkol aramasal falúw me meeta aramasal falúw rebwe ghal aieyegh.

Plasa ye emmwel ebwe Ammwela mwóghuttughuttul Air Force Base nge rebwe yááyá Plasa ye North Ramp me Andersen Air Force. Bwulei e lo eerril *Ramp* me Andersen Air Force Base rebwe sóótiw me yelletá reel aar akkabwung me angaang.

Meeta eew ghatchúl mengemeng reel pantalan ngere eghal yoor meeta. Eew mengemeng ghatch nge rebwe yááyá pantalan ye Apra Harbor. Reel meeta ye ebwe ghatch ngeli Marine Corps nge pantalan ye llóllolong me Hapra Harbor ye mapal falúw kka emmwel rebwe yááyá nge tootow mereer Navy. Peirághil pantalan ye aar Marine Corps nge e papal fééri bwe eyoor imwal bwulasiyo me leliyal mwóghuttughuttu meeta mewóól palasa me rebwe bwal fééri leliyal rebwe téétá wool plen me téétiw. Ebwe bwal yoor leliyal *inspection-nul bio-hazard* me meeta kka *customs* rebwe amwuri ghatchiw. Akkew mengemeng reel Apra Harbor Navy Base nge ebwe yoor eew *medical/dental clinic* bwe ebwe siwili

fashúl imwal *medical/dental clinic*. Nge rebwe asiwló imwal ghulóogh me eghus bwulei mereer U.S. Coast Guard ye re yááyá bwe leliyal waa me bwoot kka rebwe ghal Ammwela ngere fééri me bwal schóól angaang.

Eew mengemengil akkabwungil ppek. Sengi aar ammetaf reel igha rebwe fééri akkabwungil ppek me bwulei ye resóbw ppek iye nge bwááló bwe pighilong Guam mille rebwe amwuschútiw bwe leliyal ppek me bwal leliyal resóbw ppek nge rebwe akkabwung rebwe aschu fengelli ppek me bwal meeta peiraghil ppek iye sulalu rebwe ghulei. Bwal pighitiw me Andersen rebwe bwal fééri schagh bwe leliyal akkabwung. Iwe bwulei kka arol rebwe bwal bwughi bwe aar leliyal akkabwungul ppek me bwal falúw kka eer me pighitiwal Andersen rebwele fééri bwe eew ffeel leliyal ppek. Ebwe bwal ruwoow mengemeng reel akkabwungul ppek yeel, ghommwal A nge ebwe nesestai 921 tambol falúw ese bwal páápálong falúw kka e léélé nge re bwal siweliló 1.7 mizas mereel aal yeel Route 15 ye e loolong Andersen we faisúl. Reel aruwowwal mengemeng reel falúw ye rebwe yááyá reel malal akkabwungu ppek mereel aal ye Route 15 nge alangal nge e toowow bwe 1,129 tambo ngere acres mereel kkapasal Amerikkano. Mille SUA ye re ghal ira bwe *special use airspace* nge ebwe nesestai maas falúw ye ese bwal schulong llól meeta ye (SDZ) re ira bwe rebwe nesestai pighilongul aal ye Route 15.

Iyeel mille e ghi tomwogh reel angaang ye rebwe fééri nge e bwal eyoor milikka e ghikkit sibwe ira sokkol bwala, me aal bwe emmwel ebwe toowow me toolong ghareetal bwala ye rese lo llól aweewe yeel nge e lo llól Arongorong mereel Draft EIS/OEIS.

Fferul Akkabwung reel ráágh kka eke mwetteló mmwal. Depattamentol Defense nge eke amwuri alongal akkabwung emmwel rebwe ayoora llól Pasifikko nge ebwe schulong llól afetal mengemengil (QDR) Quadrennial Defense Review llól 2010. E bwal toolong leliyer akkabwungul Marine Corps llól CNMI bwe rebwe angghatch reel meeta rebwe fééri llól sulalu. Akkabwungul aschai me aschai ghuleyal me Okinawa nge rebwele itto aghala ngere e weewe me Guam me bwal CNMI.

Rekke tetengegh bwe ammetaf ye re ghal ira bwe QDR nge imwu ebwe toowow bwe aweewe kka rebwe atabwei bwe ebwe amwuri meeta Marine Corps reghal tongóór bwe rebwe ayoora akkabwung reel katchido nge DoD mille rebwe fééri reel rebwe ametafa allégh kka NEPA me EO 12114 ngere rebwele bweliw angaang.

Atowowur Marine Corps me Sepan – Akkabwung me Tchúlúyóól mellól (Volume 3) (Figure 2)

Akkabwung kka ebwe yoor me Tchúlúyóól nge ebwe scheli achai sulalu mwettetá tchol sulalu ye reghal ira bwe *company-level sustainment training* bwe Marine rebwe ghatch le gheera ngere eyoor gheera. Akkabwung ye Tchúlúyóól nge ebwe ayoora akkabwung ye Esóór me Guam. Ebwe mmwel alongal masamasal akkabwung sibwe ira battalion raa toolong pantalan ngere mille re target-rai bwe e lo bwe eew tomoghol akkabwung me Tchúlúyóól.

Tchúlúyóól nge re mengi bwe rebwe yááyá ghatchiw bweigha aal DoD mille essogh falúw kka aa atkilai. DoD e atkilai falúw mereel CNMI ye re ghal ira bwe Military Leased Area. Falúw ye 15,353 tambo nge e bwaliwló peighil afeng me Tchúlúyóól. Akkabwung me Tchúlúyóól nge e lo llól ruwoow ghilighilil falúw mellól 15,353 MLA nge lapal nge e toowow bwe 7,574 tambo ye e lo afeng nge reghal ira bwe northern third me Tchúlúyóól me aruwowwal ghilighilil falúw ye reghal ira bwe leaseback nge falúw kka Tchúlúyóól nge lapal e towow bwe 7,779 tambo. Falúw ye aa lo llól company me battalion level nge ese bwal kke yoor ppek emmwel rebwe fééiriló bwe ebwe towow nge aa yoor ppek me aléllésch.

Ghommwal Mengemengil Siwel 1 (Re tipeli). Mille ghommwal mengemengil siwel re tipeli nge rebwe ayúw faawu leliyal ppek mellól falúw kka Tchúlúyóól ikka raa bwal atkilai sefal ngeli militad ngere Depattamentol Defense. Re amatafa bwulei kka rebwe afeli bwe ighaal igha ebwe lo leliyal ppek nge re ghommwal afeli bwulei ye reghal ira bwe “emmwel rebwe akkayú wóó” me “ese mmwel rebwe akkayú wool” bwe e ssogh uruwowul falúw wool, eghi ghatch bwulei reel ngere wetland ngere leliyal bwubwul schaal.

Akkabwung kka rebwe ayoora nge e toolong: 1) Ppekkil rifle nge e taau, 2) Yááyáák Pistoro ikke we e Automated me Multipurpose Firearms Qualification Course, me 3) Field Firing Range nge e lo 90th Street me pighiwowwul Broadway ye e schu me falúw kka afang. Iwe Platoon Battle Course nge e lo Afeng pighilong. Alongal me faawu bwughuwal pische ye e lo llól falúw kka FAA e amwuschi bwe leliyal mitigation. Mille SDZs reel leliyal ppek kkaal nge ebwe



Figure 2: Mengemengil-Tinian

schufengel wóol eew me eew reel bwulei ye FAA aa bwughi bwe leliyal maal me meeta kka ebwe llól. DoD aa apaschatá mille “No Wildlife Disturbance” me Mount Lasso me peighil Broadway. Esóór SDZs ebwe sóbweiló wool sáát.

Waa kka Carrier ebwe toolong pantalan bwe ebwe fétégheló emmwel ubwe areghi mellól Aircraft Carrier Berthing (Volume 4) (Figure 3)

Mengemeng reel rebwe ayúwetá ffel pantalan me alongal peiraghil e weewe schagh iimw, warehouse, me milikka rebwe aghatchúwló nge milikka faal e bwááló bwe re bwughi mereel milikka faal:

- Meeta e ghatch milleel?
 - E toori meeta security eke tongóór
 - E toori mwóghuttughuttul bwulasiyo yeel?
 - Eyoor me emmwel rebwe fééri ngere aa takkal amwuri fitow lapal selaapi ebwe ghoola, meeta technology ye ebwe nesesitai me meeta weisil igha sibwele fééri.
- Afeli autol falúw bwe ete yoor meeta
- Ebwe afeli autol falúw me meeta autol falúw kka ebwe ffer

Ruwoow mengemeng kka re atafa. Polari Point mille re afeschi me ila ghommwal mengemeng rebwe tabwei ye re aweewei faal. Aweewel aruwowwal mengemeng nge emmwel aubwe areghi llól aweewel Draft EIS/OEIS. Mille re yááyá reel rebwe ayoora pantalan nge Apra Harbor. Waa kka *aircraft carrier* nge rebwe toolong fetagheló nge rebwe yááyá Apra Harbor ye e lo lughul. Bwoot kka reghal ira bwe *tugboat* mille e scheeli bwe ebwe toolong pantalan. Waa kka e toolong pantalan nge rebwe nesesitai.

Mengemeng Siwel 1 (Polaris Point) (Re Afeli). Polaris Point re afeli ye e lo (Figure 3) nge emmwel rebwe fééri sefali pantalan ye Apra Harbor me alongal peiraghil pantalan rebwe bwal fééri rebwe bwal alóllólló 600 piye tawur ye ebwe toolong pantalan ye Apra Harbor nge esóóbw yoor kkel.

Rebwe fééri igha ebwe ghal sor waa ye e ghitighiit nge rebwe ayoora mereel pantalan ye Apra Harbor nge ebwe lo pighitáál pantalan ye Apra Harbor nge e nesesitai rebwe ghelengi 49.5 piye me rebwe paschei ngeli bwal 2 piye.

Alongal peiraghil pantalan nge e weewe schagh. E bwal faisúl schagh peirágh kka wool sáát me wool pantalan. Peirágh kkaal nge rebwe scheli mwóghuttughuttul pantalan bwe ebwe ghola 100% yaal alillis reel seyil gheera kka *carriers* ye reghal bisitato pantalan ye Guam. Rebwe bwal akkaú imwal dengkki me imwal meeta ebwe scheeli mwóghuttughuttul pantalan. Ebwe bwal yoor bwulei ye re fééri bwe leliyal ukkur, kkepas, me leliyal ghareeta. Waa kka *carriers* nge rebwe scheliir reel *tugboats* nge iir rebwe sorei waa we bwe mmwal bwoot ebwe soroló mmwal nge mwiril waa aa soroló mwiir.

Task Force-sil Army Air and Missile Defense (Volume 5)

Raa afata me afeli eluuw mengemeng school Navy me Army bwe reel iimw ye rebwe ayúw bwe malal AMDTF me Guam me eluuw mengemeng raa afeli bwe leliyal bwaala. Mille tiper reel headquarters me leliyal bwaala re aweewe faal imwuul re bwal sóbwei ngeli bwe rebwe aweewei SUA me leliyal bwaala nge e weires sibwe aweewei.

Bwal Eew Mengemeng reel Housing me Headquarters/Housing 1 (Raa afeli). Bwal eew mengemeng siwel reel Army AMDTF nge rebwe aschu fengelli malal Army yeel ngeli Marine Corps me Finegayan. Iwe Bwulasiyo/Headquarter me leliyal ammwel nge rebwe aschu me pighilong reel (NCTS) Naval Computer Telecommunications Station Me Finegayan. Leliyer school angaang ikka ese bwal yoor schóluwar nge re bwal aschur me Eeril Finegayan. Leliyal ukkur me QOL nge e bwal schulong eeril Finegayan. Bwulasiyo me HQ, imwal maintenance me housing QOL nge ebwe reel U.S. Marine Corps ye e lo llól aruwowwal mengemeng.

Leliyal Bwaala llól Mengemeng Siwel 1 (iye raa afeli). Leliyal bwaala nge ebwe lo reel eluuw bwulei igha emmwel ebwe lo iye, arol HMU Me Andersen AFB (ye ebwe nesesitai demolition malal alleschil denemita me bóóm) arol aal ye esóór ittal. Bwulei ye nge eyoor pilipilil reel bwurukka nge ese bwal toolong leliyal denemita kkewe nge re kadkulai nge ebwe 6.6 tambo ngere *acres* reel kkapasal Amerikkano.




Figure 3: Mengemeng ye rebwe féeri

Bwal Mengemeng reel leliyal ppek me schelal (Ametaf nge e lo llól Classified Appendix). Eyoor faawu mengemengil siwel ye e lo arol NWF me Andersen AFB reel atmas kka rebwe iseli iye. Bwulei yeel ye rebwe iseli atmas kkaal nge ese bwal prebido (Classified) nge eyoor bwulei ye llól bwulei yeel nge e bwal ghi prebido (Classified). Maas autol milleel nge e lo llól Classified Appendix L.

Uwa mwetsengi falúw nge ese mmwel lo ubwe ppóssotiw wóól ppeel. Igha reghal angaang wóól *radar* reel bwulei kka eghal ghi llang, nge eyoor ammesaghúl me weiresil ngeliir plen kka militad me aramas kka sóbwal militad reghal afáraghi mewóy lááng. Iwe rekke tingóór bwe eyoor bwulei ye SUA ebwe yááyá ye e lo pighitá-pighiwow reel ngaschel Guam nge e pilmáámá bwe aramas rebwe toolong llól re ghal aita bwe R-7205. E lo weewe sáát mwetteté weilang 22,000 piye weilángil sáát (Flight Level 220).

Mille R-7205 rebwe amalawa ngere FAA e mweitingeli bwe ebwe fééri e weewe atol ye rebwe Ammwela, akkabwung, sertifikai, meeta ye rebwele fééri me rebwe Ammwela waa ngere plen 45 minutu alongal ráál Lunes mwette ngeli Bietnis. Akkabwung me setifiko nge FAA mille ebwe fééri reel rebwe aprebai bwe rebwe yááyá bwulei ye R-7205 *airspace*. FAA mille ebwe isissiwow reel mille reghal ira bwe Notisa Schóól afáraghil plen (Notice to Airmen).

Peirághil Dengkki me Mwóghuttughuttul Aal me Guam (Volume 6) (Figure 4)

Mwóghuttughuttul igha rebwe atowowwur Marine Corps me Sepan mwetteló Guam nge ebwe maas tomwoghóló yááyá dengkki me peiraghil aal me sóóbw. Ebwe maas tééta lapal akkayúl iimw me maas aramas re tooto tarabwaagho llól akkayúl iimw ngere *construction*. Ametafal EIS/OEIS nge e abwááriló meeta kka emmwel rebwe fééri bwe tepengi téétaál aramas me Guam.

Mengemeng siwel kka ppol mwoschomwosch me ppol láálááy nge re ayoora bwe ebwe tepengi meeta kka re ghal weires llól igha esáál ghi lo alangal peiraghil bwulei. Inaamwo igha raa ayoora mengemengil siwel (*alternatives*) ye rekke yááyá ighila bwe ebwe tepengi mwóghuttughuttul militad reel meeta kka aa faisúl yoor me meeta kka e nesariyo rebwe ayoora nge rebwe ghi affata ghatchúw me rebwe amwuri meeta kka ebwe láálááy toowowwul nge rebwele amwuri schagh ighila.

Mille re mengi rebwe atabwei ppol mwoschomwosch reel meeta rebwe fééri ngeli dengkki me peiraghil nge e sóbwei fengel meeta kka raa faisúl ayoora me meeta kka rebwe laal féeritá. Mengemengil siwel kka ppol mwoschomwosch ye rebwe yááyá ighila bwe ebwe palawali meeta ammwelil falúw reel dengkki me peiraghil nge aa mallala. Aal ye re atabwei nge abwááriló meeta rebwe fééri reel ppol láálááy bwe ebwe scheeli Marine Corps ngere rebwe atowowwur me Okinawa. Ppol mwoschomwosch me ppol falúw nge rebwele fééri ngere schagh re bwungiw fengelli school bwulasiyol *Record of Decision* bwe emmwel ebwele scheeli DoD reel igha aa maas ssoghotá militad me Guam me CNMI. Maas aweewe reel ppol kka akkeu nge emmwel ubwe schungi llól Draft EIS/OEIS. Reel akkew telil aweewe kkaal nge ppol kka raa afeli millikka re aweewe llól tiliighi yeel nge maas aweewe reel ppol kka akkew nge emmwel ubwe schungi mellól Volume 6 reel Draft EIS/OEIS.

Dengkki

Ppol mwoschomwosch mille re afeli bwe Mengemengil Siwel yeel nge ebwe lo numero eew (1) bwe ila mille rebwe atabwei. Ppol Mengemeng Siwel 1 rebwe fééri ghatchúw *combustion turbine* mellól genereta me maas aghatchúwóló toowowwul me fárághil (T&D) sistemal genereta nge resóbw féeritá ngere rebwe atomwoghóló leliyal genereta ighila bweigha angaang ye rebwe aghatcheló *power plant Guam* nge schóól (GPA) Guam Power Authority mille rebwe fééri reel igha eyoor aar lisensiya bwe rebwe fééri tepalal tarabwaagho yeel. Reel mille rebwe fééri sefááli fasilidadul genereta bwe ebwe ghi ghatcheló nge rebwe yááyá fasilidad ye e lo Marbo, Yigo, Dededo ye Numero 1 me bwal (*combustion turbines*) mille ebwe fighi turupela kkaal bwe ebwe taghul nge aa amalawa genereta bwe ebwe yoor eletrisida ngere dengkki ye e bwal lo Macheche me Guam ye rekke yááyá reel aal lisensiya nge esáál ghola lapal e faisúl schagh lisensiya e atorisai bwe ebwe fééri. Mille fárághil me ghilighilil dengkki rebwe maas sóbweiló me aghatchúwóló nge ebwe lo faal mewóól falúw reel mille aa fasúl kke yááyá. Re mwuscheleti Ppol Mengemengil Siwel 2.




Figure 4: Aweeweel mwóghuttughuttul Limeigh me waluuw (58) Mengemeng kka emmwel militaad rebwe fééri

Schaal ye reghal yááyá

Mengemengil Ppol 1 nge rebwe ayoorá reweigh me ruwoow takkil schaal ye reghal wells me rebwe aschufengel malal militad me Guam Waterworks Authority (GWA) e weewe schagh me paip kka rebwe alighi fetelei bwe ebwe toongeliir schaal militad. Eew milliffe tankki ye ebwe feritá ye eyoor 5 ssel (million) autol nge e lo Finegayan.

Schalil Kommon

Mengemengil Siwel reel ppol 1a ye raa afeli. Rebwe aghatchúló bwe emmwel ebwe weewe me meeta aa lo bwe aramas re kke yááyá. Rebwe bwal atomwoghaló bwe emmwel ebwe toowow bwe secondary treatment me Distrito ye Afeng ye reghal ira bwe Northern District Wastewater Treatment Plant.

Bwasula kka e lo llól paipil kkomo nge esáál mwo feitiw bwe ebwe schaal ló

Mengemengil Ppol Siwel 1 nge rebwe sóbweiló le yááyá mille aar Navy Landfill me pantalan ye Apra Harbor mwette ngeli July 2011.

Angaangal Aghatchúl Aal

Telil aghatchúl aal nge raa takkal ammóllatá mereel bwulasiyol Federal Highway Administration (FHWA), Navy ye e apau angaangil federad me Guam (JGPO) me bwal CNMI, me bwal Bwulasiyol Public Works me Guam. Angaangal aal ye reghal ira bwe (GRN) Guam Roadway Network nge ebwe aghatchúló mille aa fasúl lo mereel selapiyal Defense Access Road Program ye ebwe ayoorá peirághil aal me meeta kka ebwe aghatchúló militad igha aa ghi totomwogholó me maas aa melauló.

Angaang yeel nge emmwel rebwe abwósuw mereel FHWA ye ebweletá wóol 2010 mwette ngeli 2016. Se-laapi yeel nge mweti ngeli bwulasiyo Defense (DoD) bwe ii mille ebwe limeli selaape bwe ebwe mmwel reel ebwe abwósúw kompaniya ye ebwe féeri aal reel ngere eyoor weiresil militad bwe ebwe ló iya nge Esóór igha ebwe toowow meiya. Ebwe faigh me eluuw (43) an-gaangil aal (GRN) ye ebwe lo lughul militad me seigh me limoow (15) ebwe lo militad reel mille reghal ira bwe (MAPs) Military Access Points. Aghatchúl aal kka ebwe lo lughul iwe faaigh me eluuw (43) nge e ghilighil llól oloow (6) tappel aghatchúl:




Figure 5: Aweewel Angaangal Aal

- Aghatchúl ghilighilil aal
- Silil Aghatchúl *Bridge* (5 bridges)
- Asarotol Aghatchúl aal me bwal rebwe maas aschelapaló aal
- Rebwe siweliló sossorol aal me (Route 15)
- Aschélapal aal
- Fferil bwal ew aal me Finegay

Angaang kka limeigh me waluuw (58) nge e lo llól bwulei kka faawu me Guam: Pighitá, Lughalapal, Apra Harbor, me Pighitiw. Saabw alangal Angaang kkaal (58) nge rebwe féeri bwe reel ráaráá ghilighilil aal me meeta ye ebwe ghatch ngeili ngere raa aschu fengeliir nge raa féeri. Sibwe ira reel ebwe faisúl aar atama aal bwe ewel schelal 49 GRN ye ekke ira bwe *network* nge eew aghatchúlóol ghilighilil aal, siwelil *bridges*, paddidiil ngaschel aal, siwelil sossorol aal, aschelapal aal, me aal kka ebwe ffétá mellól sóbwol militad, ye 2.29 aal kka rebwe paddidiy, 8 aschelapal aal, 14 ghilighilil aal nge (eyoor waluuw móopa), 5 siwelil *bridges*, 1 aal ye rebwe sorei fárághil me 1 miliffé re mengi rebwe féeri. Aweeweel Limeigh me Waluuw Ghatchul Angaang.

EGHI AITCHEYA MILLE LEMELEM ME REBWE AKKABWUNG ME GHULEI MAAL KKA LLÓL LÉÉLÉ ME AUTOL FALÚW REEL REBWE AMMWELA

Kkapas ye “mitigation” nge mwóghuttughut kka rebwe affelli me resóbw angawa ngere asiwló meeta ye ebwe ffeireiló bwulei me ngere falúw igha eyoor meeta rebwe ayúwtá wóol. Bwal eew nge *mitigation* nge e bwal toolong abwósul

reel milla ubwe ffeirei reel alléghúl federad ye re ghal aita bwe 40 Code of Federal Regulations 1500, the Council on Environmental Quality. Ikkaal milikka ebwe aweewei maas reel *mitigation*:

- Pilipil: Pilei meeta ye ebwe fferei bwulei reel yómw mwóghuttughut.
- Aghisighitiw mwóghuttughut: Aghisighitiw mwóghuttughut ree mamawal, atol, lááláyil atol igha rebwe féeri.
- Féeri sefááli bwe ebwe Ghatchéló: Féeri sefááli, féeri meeta ngawal, asefáliló ghommwal ilighil, me amwuri meeta ye ekke feireiló falúw.
- Aghissighissiló/Asiwló: Asóssólaló ngere asiwló schagh.
- Siweliló: Abwósuw reel ffeyir bwulei ngere autol falúw nge uwa aghatchúwló ngere siweli ngeli bwal eew mille ebwe siweli milliwe aa ffeyirló reel bwal eew aalúl selapi.

Lemelem ye eghi ghatch nge sulalul Navy raa kke féeri ngere yeel mille reghal ira bwe *standard operating procedures*, yeel mille e lemeli alongal mwóghuttughut. Sibwe ira bwe bwubwul schaal ye e ffeirei bwulei, lemelemil bwubwul schaal, affatal ghatchúl schaal, lemelemil schaal e tooto mellól kommon kka sikke yááyá, lemelemil *oil spill* me mengemeng me ppol kka ese weewe fengel.

Mengemengil siwel ghatch kkaal me bwal akkew nge e ayoora eghus awóówó reel autol falúw bwe resóbw ghi ffeirei ngere re atabwei mengmeng kkaal bwe ghatchúl falúw. Maas arongorong bwe ghulei milleel nge au ló amwuri Volume 2-6, me aweeweel me Volume 7, Chapter 2.

TOWOWUL IGHÁ MILITAD REBWELE ATOWOWUR ME OKINAWA NGE RAA UMWURRUTO GUAM ME CNMI

Aweewe yeel nge e abwááriló urowowul autol falúw ngere meeta ebwe towowul bwulei kkewe ngere raa atowowur militad me Okinawa Sepan. Volume 2 mwette ló Volume 5 nge e aweewei meeta rebwe féeri ngeliir sulalu kkaal: Marine Corps, Navy, me Army Actions, Volume 6 nge e aweewei weires kka ebwe toowow peirághil dengkki, tilifon me aghatchúl aal. Iwe reel Volume 7 nge e aweewei mwóghuttughutt kka ebwe eyoor meeta wóól bwulei ngere falúw ngere ese ghatch mengemengil siwel ghatch ngere ppol ghatch.

Table 2. Iyeel Aweeweel Alléwal Autol Falúw me meeta aweewe ye rebwe

<i>Eghi mmwel ebwe angaawa</i>	<i>Schowar kka eghi mmwel ebwe weires me Ebwe yoor pilipilil</i>
Schowaral Schaal	<p style="text-align: center;">Akkayúl Meeta EA-M (Guam me Tchúlúyól)</p> <ul style="list-style-type: none"> • Ghatchúl schaal nge ekke nngawló reel weires akkaúl meeta. Ngere igha buddosa aa bwura pwel nge aa toowow nge aa yoor bwuubwu schaal. Alangal ghatchúl me ngawal bwulei nge bwuubwul schaal yeel e ló bwughito alangal meeta ye emmwel ebwe lugheiwow leeset reel fayil Apra Harbor. • Rebwe ayoor pilipil buddosa yeel nge ebwe yoor allégh bwe ngere rebwe buddosai meeta nge rebwe gholalaló bwulei bwe esóbw ghi mamaaw bwuubwul schaal nge aa angawa schaal. Milikka eghi kkeyil angawa léélé nge bwuubwul schaal me meeta aramas re angawa le akkeschelong kwasula llól. Ebwe yoor allégh ye ebwe akkayúl milikkaal. Rebwe ayoor appraisal falúw bwe rebwe ghulei meeta kka rebwe afelli mewóól falúw we rebwe tééghi bwe rebwe mwóghuttughut wóól nge ayoráál akkayúl meeta wool.
Tchorong	<p style="text-align: center;">Mwóghuttughut Meeta (Guam schagh) EA</p> <ul style="list-style-type: none"> • Tchorongol aal nge ebwe bwal ghi mmwel ebwe weires reel mwóghuttughut ye rebwe ayora wóól ye ebwe bwulei kka pighitáál me lughalapal Guam. Esáál yoor pilipilil mwóghuttughut militad ye re fééri. Tchorong peiraghil meeta bwe e ghatch rebwe fééri nge ese bwal ghatch ngeli igha e bwáliwól meeta lling ye emmwel ubwe uri.
Falúw, Masal Aal, me Falúw kka e lo ffeisát	<p style="text-align: center;">Akkayúl Meeta me Guam (Guam schagh) EA-M</p> <ul style="list-style-type: none"> • Fferúl aal me Guam nge ebwe yoor alléwal aal me peiraghil autol falúw igha re kke fééri aal. Rebwe ayoor pilipilil bwe esóbw feirei walawal, maal me autol falúw igha rekke fééri akkayúl iimw. Mille pilipilil auto falúw ye reghal ira “<i>mitigation</i>” nge e bwal toolong mille rebwe abwósuw wetland bwe eyoor <i>mitigation</i>. Selapil mwóghuttughut yeel nge e toowow mereel “Federal Highway Administration.” <p style="text-align: center;">Mwóghuttughut EA-M (Guam schagh)</p> <ul style="list-style-type: none"> • Federad ebwe atkilai ngere ameev falúw bwe militad ebwe fééri sóbwol militad re ghal ira bwe: Leliyal ppek me aal kka rebwe aghatchúló bwulei bwe ebwe toolong falúw kka e lo lughul. Mille <i>mitigation</i> nge emmwel ebwe láálááy yaal militad atkilai bwulei we eyoor meeta rebwe Ammwela <p style="text-align: center;">EA (Tchúlúyól schagh)</p> <ul style="list-style-type: none"> • Schóól ffólul maal ikka re lo llól falúw kkewe re atkilai sefali mereel gobietnol CNMI ye re ghal ira bwe “<i>leaseback</i>” nge rebwe akkayúló. Militad ebwele bwughi sefáli falúw kka e ghommwal atkilai bwe ebwele yááyá nge ebwe bwal amwuri ghatchiw alléwal autol falúw nge rebwe piipi allégh ye “Farmland Protection Policy Act 1981.”

<i>Eghi mmwel ebwe angaawa</i>	<i>Schwar kka eghi mmwel ebwe weires me Ebwe yoor pilipilil</i>
Autol me Schowaral Falúw	<p style="text-align: center;">Akkayúl Meeta EA (Guam me Tchúlúyól)</p> <ul style="list-style-type: none"> • (SSS) Special Status Species: Re ghal aweewei SSS bwe maal ngere walawal kka raa ghulei bwe ebwele rossoló mewóól falúw nge reghal ira bwe <i>federal threatened</i> me <i>endangered species</i> me bwal maal kka ebwe rossoló. <i>Mitigation</i> nge e bwal toolong bwulei ye ese mmwel towap ebwe tééghi bwe leliyal saghullul woong, me towap rebwele afeli maal ngere walawal ikka e lo schagh wóól falúw, me ebwe yoor leliyal paischey. • Reel maal kka re toolong schagh nge Saabw bwal malúl falúw nge eyoor eew aweewel ngere ammetaf re ghal aita bwe <i>Micronesian Biosecurity Plan</i> ye rekke féeri schagh. <p style="text-align: center;">Mwóghuttughut EA-M (Guam me Tchúlúyól)</p> <ul style="list-style-type: none"> • Tchorongol meeta nge ebwe bwal angawa maal ikka reghal aitar bwe <i>special-status species</i>. • E ssow allégh ye re ayoor reel BMPs me pilipilil alléw reel autol falúw ye e bwal toolong tchorongol meeta nge rebwe ayoor bwe ebwe pilei meeta sikke telakkli.
Scháwaral sáát me Falúw	<p style="text-align: center;">Akkayúl Meeta EANEG (Guam schagh)</p> <ul style="list-style-type: none"> • Kkellil faay me lughulúl Apra Harbor nge ebwe toowow nge ebwe bwal yoor alléw reel yáál me ngere fayil sáát. Me ighila rebwe allóllóóló igha seyilgheera ye carriers ebwe mmwel ebwe sor nge ebwe 600 piye reel igha rebwe aschelapaló pantalan.
Schowaral Kko	<p style="text-align: center;">Akkayúl Meeta (me Tchúlúyól) EANEG</p> <ul style="list-style-type: none"> • Eyoor alléwal autol falúw ye ebwe ghola 34 bwulei igha rebwe ghi affata ghatchúw bwe reel ete angawaló bwulei kkaal aa takkal ischitiw llól tiliighil National Register of Historic Places me Guam nge 10 me Tchúlúyól. Reel rebwe pilei bwe ete fay ngaaw nge rebwe atabwei ppol ye Guam me bwulasiyo yeel raa takkal féeri nge alléghil State Historic Preservation ekke ira bwe emmwel schagh esóbw yoor meeta ye rebwe féeri ngeli bwulei yeel, iir rebwe kke amwuri ngere re alléwa allégh kkaal igha rebwe akkayú meeta wóól. Schóól bwulasiyo ye <i>Historic Preservation</i> nge iir mille rebwe kk amwuri igha ayoor akkabwungul towap me akkabwungul schóól angaangal militad. • Ebwe bwal mmwel rebwe yoor alléwal autol falúw reel faawu bwuleyil kko nge rebwe afelli bwe ete nngaaw nge ebwe yoor aweeweel ebwe faisúl aar rebwe afelli me rebwe arongóór towap bwe rebwe metaf.

<i>Eghi mmwel ebwe angaawa</i>	<i>Schowar kka eghi mmwel ebwe weires me Ebwe yoor pilipilil</i>
Malal Tilifon me Dengki	<p style="text-align: center;">Akkayúl Meeta me Mwóghuttughuttul Meeta(Guam schagh) EANEG</p> <ul style="list-style-type: none"> • Alléewal malal tilifon me dengki reel milikka aa faisúl lo Guam nge ebwele bwal toolong maas aramas kka rebwe yááyá. • Schaalúl úúl ikka e lo llól gallon me terak: Re kkakkulai schaalúl úúl reel aramas kka rebwe toolong nge ebwe téétá tool schaal bweigha aa maas ssogholó aramas. Sibwe ira me Guam schagh llól ráágh ye 2010 mwetteló 2019 nge ese toolong militad igha rebwe tooto nge ese ghaw aramas reel schaal me Guam. Schóól Waterworks Authority (GWA) re kkakkulai kapisidadul schaal me fállepwel nge malal ghatch schagh reel pighitáál Guam ye militad rebwe lo iye. • E maas lang me meeta ye alléghil schall emmwel re fééri reel schalúl paa me distritu ye afeng. GWA ebwe aghatchúló maas fárághil schalul paa yeel me rebwe bwal ayoor a bwal eew <i>treatment plant</i> bwe ebwe scheeli mille elo llól bwuleyil militad. • Sowul pilipilil rebwe aghatchúló schalúl kommon me peiraghil nge rekke amwuri ghatchiw ebwe faisúl aar aghatchúló. E weewe schagh me DoD me Gobietnol Guam re ppol fengel bwe rebwe ghi afeli fárághil schaal me falpwel bwe ete binenoló reel meeta rebwe fééri wóól nge re mwuschel rebwe aschischi fengel reel schaal bwe emmwel ebwe bwal ngeliir militad ikka re lo lughul. Re bwal ppol fengel bwe rebwe fééri ghatchiwló leliyal aghassaghasa schalúl kkommon me afengel Guam igha re lo militad iye. Rebwe bwal maas aghatchúló generetal me peiraghil, leliyal rebwe libweli máá bwe ete bineno schaal me falpwel, rebwe amwuri selil dengkki bwe rebwe aghatchúló rekke yááyá schagh leliyal akkeschelóól kwasula ye aar Navy bwe rebwe uti miliffé ye rebwe fééritá. Rebwe bwal kke scheeli recycling me Guam me rebwe amwuri fárághil akkayúl meeta.
Ammwelal Kkonomiya me Ammwelil Aramas	<p style="text-align: center;">Akkayúl Meeta me Mwóghuttughuttul (Guam and Tchúlúyól) EANEG</p> <ul style="list-style-type: none"> • Alléewal konomiya me ammweleer aramas reel rebwe gholaimwei ngeli towap reel wasééló (<i>tourist</i>). • Alléewal sowul aramas raa bwal lo Guam nge ebwe yoor iimw kka rebwe lo llól, sóbw ebwe bwal ssogh filiwaser aramas bwe rese weewe fengel aar kko me aar melau, me bwal sóbw aa bwal siwelló. • Alléewal igha eghi kkei aar ira bwe rebwele toolong Guam (nge sibwe uri ghatchúl me meeta ese ghatchúl llól ráágh kka 2013 mwette ngeli 2015). • Alléewal bisino me business kka e faisúl Guam. • Falúw kka militad ebwe atkilai me atowow aramasal wóól. • Essogh aweewei meeta rebwe fééri ngere militad aa tooto reel Alléewal autol falúw e lo llól bwulasiyo ye re ghal ira bwe (DoD) Dipatmentol Defense bwe rebwe ayoor pilipilil alléewal autol falúw nge rebwe yááyá mille re ghal ira bwe Adaptive Management Techniques bwe ebwe kke amwuri schóól akkay.
Awóowóól Autol Falúw me Affelil Yáát	<p style="text-align: center;">Akkayúl Meeta (Me Guam Schagh) EANEG</p> <ul style="list-style-type: none"> • Dengkil terafikkil Aal me tchorong fárághil meeta (Sibwe ira: ghareeta, aramas, maal me ngere sulalu) aramas kka re lo llól imwal housing ngere re low income, yáát me masamasal aramas. Raa bwal affeta me amwuri bwe rebwe aghatchúló alléewal autol falúw reel tchorongol meeta. <p style="text-align: center;">Mwóghuttughuttul Meeta (Guam and Tchúlúyól) EANEG (Guam) me EA (Tchúlúyól)</p> <ul style="list-style-type: none"> • Ebwe yoor akkayúllóól iyo ebwe toolong llól bwulei kka eyoor autol kko. • Rebwe ayoor eghus alillis reer schókka resóór aar insurance reel espitad bwe eghi affeyé. • Rebwe yoor akkayúllóól iyo ebwe ayoor aschuschuul tchol aramas iye reghal ira bwe chili-pepper gathering. (Me Tchúlúyól schagh). • Esóbw yoor apilipilil meeta me Tchúlúyól reel alléewal autol falúw.

Legend: EA = eyoor alléewal autol falúw, EANEG = eyoor alléewal autol faluw nge ebwe ghatcheló, Tinian is Tchúlúyól